



**Број: Т18 0 КТ 0016223 22**  
**Брчко, 10.06.2024. године**

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, podižem:

## О П Т У Ж Н И Ц У

### Protiv:

1. S. S. i
2. D. F.

### Što su:

1. Dana 14.05.2022. godine, putničkim motornim vozilom marke „Peugeot 3008“, registarskih oznaka ..., došli do neobezbjedenog gradilišta preduzeća „Has Komerc“ d.o.o. Brčko, koje se nalazi u ulici Malezijski put, Brčko distrikt BiH, a na kojem gradilištu su vršeni građevinski radovi od strane izvođača radova S.P. „ČAZE“ Brčko distrikt BiH, vl. H. Č., i u vremenskom periodu od 19.43 do 19.49 časova, svjesni da predmeti koje su zatekli na navedenom mjestu nisu njihovo vlasništvo, u namjeri da njihovim prisvajanjem pribave sebi protivpravnu imovinsku korist, što su i htjeli, s palete koja se nalazila s lijeve strane zgrade pomenutog preduzeća oduzeli oko hiljadu komada metalnih kravata za šalovanje oplata i jedan plastični kanister u kojem se nalazilo oko šest stotina komada metalnih klina koje se koriste uz navedene kravate, ukupne vrijednosti oko 10.000,00 KM, čime su za sebe pribavili protivpravnu imovinsku korist u navedenom iznosu, a za isti iznos oštetili preduzeće S.P. „ČAZE“ Brčko distrikt BiH, vl. H. Č., vlasnika navedenih predmeta,

dakle, kao saizvršioци, tuđe pokretnine oduzeli drugome s ciljem da njihovim prisvajanjem pribave sebi protivpravnu imovinsku korist,

2. Dana 17.05.2022. godine, putničkim motornim vozilom marke „Peugeot 3008“, registarskih oznaka ..., došli do preduzeća RUŠKIĆ - TRANS d.o.o. za prevoz i usluge, Brčko, vlasništvo I. L., koje se nalazi u mjestu Dubrave bb, Brčko distrikt BiH, i u vremenskom periodu od 09.53 do 10.02 časova, iako svjesni da predmeti koje su zatekli na navedenom mjestu nisu njihovo vlasništvo, u namjeri da njihovim prisvajanjem pribave sebi protivpravnu imovinsku korist, što su i htjeli, s neobezbjedenog prostora koji se nalazi ispred i pored proizvodno - skladišnog objekta navedenog preduzeća, oduzeli 10 doboša od prikolice (labudice), hidrauličnu brzu spojku od bagera, 20 komada felgi od kamiona i labudica, 10 komada šlep štangi za kamione, aluminijumske stranice od kamiona, više bakarnih kablova, pocinčane rampe i više željeznih ploča, ukupne vrijednosti oko 20.000,00 KM, čime su za sebe pribavili protivpravnu imovinsku korist u navedenom iznosu, a za isti iznos oštetili RUŠKIĆ - TRANS d.o.o. za prevoz i usluge, Brčko, vlasništvo I. L., vlasnika navedenih predmeta,

dakle, kao saizvršioци, tuđe pokretnine oduzeli drugome s ciljem da njihovim prisvajanjem pribave sebi protivpravnu imovinsku korist,

čime su pod tačkom 1. i 2. učinili krivično djelo Krađa iz člana 280 stav (1) Krivičnog zakona Brčko distrikta BiH u vezi sa članom 31 i 55 istog Zakona.

---

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.

---